

**jouapplous**

## Ritme-note vir jou musikale genot

Druk dié nuwe albums in jou CD-speler.

Saamgestel deur Beatri Kotzé  
[beatri@jouwereld.co.za](mailto:beatri@jouwereld.co.za)

Heuningland deur die Radio Kalahari Orkes  
Ontbytsake & Vriende  
Joune deur Stompdraai

### Radio Kalahari Orkes – Heuningland

Die gewilde alternatiewe boeremusiekmakers se vierde album is nou uit. Hul eerste poging, *Stoomradio* in 2005 het goue status behaal en die derde CD, *Nagloper* in 2007 was vir 'n Sama-toekenning benoem. In hierdie nuutste CD kry die luisteraar 'n mengelmoes van musikale style en 'n hele klompie uitsonderlike gaskunstenaars, onder andere Valiant Swart, Chris Chameleon, Jack Parow, Frank Opperman en Manie Bodenstein.

Die 15 liedjies wissel van vlymskerp sosiale kommentaar tot jolige, tong-in-die-kies-dansnommers. Ja, jy sal plek-plek sommer wil opspring en skoffel. RKO maak boeremusiek beslis aanvaarbaar en selfs cool vir 'n geslag mense wat gedink het die musiek word net op plattelandse landbouskoue gespeel. Met fyn aanvoeling vermeng die groep musikante die beste van boeremusiek met onder meer Spaanse (op Spaanspek) en Keltiese invloede (op Jolie Marie) asook Afrikaritmies (op Lobola). Saam met die "verdwaalde mense wat onlangs in [hul] alteljee opgedaag het" skep RKO heerlike musikastories wat nog lank in jou kop én hart sal bly.

Die orkes is: Ian Roberts (stem); Wynand Davel (viool), Lize Wiid (klawerbord, trekklavier en stem); Bradley Cooper (tromme en stem); Christine Roberts (stem); Barry Steenkamp (baskitaar en stem) en Frans "wille hond" Steinhobel (banjo en rockkitaar). Rian Malan en Dan Roberts skryf meeste van die lirieke.

\* *Heuningland* word deur Rhythm record uitgegee.

\*Om RKO vir 'n vertoning te bespreek kontak Mariechen Emslie by [mariechen@southernpulse.co.za](mailto:mariechen@southernpulse.co.za).

### jougeskenke

2 Gelukkige lesers kan Radio Kalahari Orkes se *Heuningland* wen.

SMS die woorde JW RKO, tesame met jou naam en e-posadres, aan 36545 voor 31 Julie 2010.

SMS'e kos R5.00 elk.

Lees ook die kompetisie-reëls.

### Ontbytsake & vriende

Jan Harm Schutte, die weerman van *Ontbytsake* op kykNET, sê hy wou nog altyd 'n CD opneem. Hy en Dawie Roodt, aanbieder van dié oggendprogram, het al baie daarvoor gesels en gedroom.

"Ek het ook gedink dit sal lekker wees om saam met ons gunstelingsangers te sing," vertel hy.

Danksy Storm Rekordz is hierdie droom nou bewaarheid en die resultaat is *Ontbytsake & vriende*. Jan, Dawie en die ander aanbieders van Ontbytsake – Milan Murray, Carla van Niekerk en Ulla Pakendorf – het ook 'n blaaskans van hul take geneem en agter die mikrofoon ingeskuif vir hierdie groot samewerking.

Die Ontbysakers het hul lyf sanger gehou en werk op hierdie kompilasie-CD saam met Coenie de Villiers, Klopjag, Richard van der Westhuizen, Riku Lähti, Bacchus Nel, Jan Blohm, Karla du Plessis, Kevin Leo en Chris Chameleon. Dan is daar ook die nuweling reggaesanger Veraz, ou ervare sangers soos Manuel Escorcio en Lucas Maree en net vir die skop het hulle die rugbyspeler Victor Matfield ingegooi.

Op die CD kan jy uitsien na treffers soos *Tussen Treine*, David Kramer se *Skipskop*, *Eerste oogopslag*, *Kring om die maan*, *Breyten se brief*, *Stof*, *N1 roete Noord*, *La donna è mobile*, *Stokkie in die sand*, *Steeds op vrye voet* en *Raam dit met die son*.

Die rocker Mel Botes was aan die stuur van die verwerkings en het ook 'n spesiale liedjie vir die Ontbysake-span geskryf: *Plekkie in die son*. Volgens hom sal 'n gedeelte van die CD se verkope aan die vakbond Solidariteit se Helpende Hand geskenk word.

\* Vir meer inligting kontak Alishia van Deventer by 083 635 4717 of stuur 'n e-pos na [alishia@stormrekordz.co.za](mailto:alishia@stormrekordz.co.za).

### **jougeskenke**

5 Gelukkige lesers kan *Ontbysake & vriende* wen.

SMS die woorde JW ONTBYT, tesame met jou naam en e-posadres, aan 36545 voor 31 Julie 2010.

SMS'e kos R5.00 elk.

Lees ook die kompetisie-reëls.

### **Stompdraai – Joune**

Die nuwelingband se vier lede is AJ van der Mescht (voorsanger, akoestiese kitaar en liedjieskrywer), Cornel de Beer (kitaar en liedjieskrywer), Francois Lombard (baskitaar en agtergrondstem) en Jacques Grobler (tromme). Hulle het reeds wye ervaring in die Suid-Afrikaanse musiekbedryf opgedoen, insluitend opnames en optredes saam met kunstenaars soos Dozi, Blackie Swart, Sean Else en Zak van Niekerk.

AJ en Francois het die band reeds in 2001 gestig en werk sedertdien hard daaraan om Stompdraai een van die grootste rockbands in die land te maak. Nou is hul eerste CD uiteindelik op die rakke. Die CD het 12 snitte en almal behalwe een kom uit AJ en Cornel se eie pen. Die klank is suiwer rock en die temas 'n interessante mengsel van emosie en lewenservarings, soos die luisteraar van die liedjietitels kan aflei: *Joune*, *Twee*, *Rooi deur*, *Maangeel*, *Boemelaar*, *Jy is vry*, *Daar waar die hemel is*, *Verlange*, *Dagdroom*, en *Vriende*. Op die CD is ook die manne se weergawe van Ryno Velvet se gewilde liedjie *Ai my lam*.

Ondersteun gerus hierdie jongste toevoeging tot die Afrikaanse rockgenre.

\* Vir meer inligting, kontak Lydia Winchester by 011 475 2187 of [lydiaw@mweb.co.za](mailto:lydiaw@mweb.co.za).

\* Vir besprekings, skakel 082 346 3268.

### **jougeskenke**

3 Gelukkige lesers kan Stompdraai se CD *Joune* wen.

SMS die woorde JW JOUNE, tesame met jou naam en e-posadres, aan 36545 voor 31 Julie 2010.

SMS'e kos R5.00 elk.

Lees ook die kompetisie-reëls.

<http://www.jouwereld.co.za>  
jouwêreld e-tydskrif - Mei 2010